



Broj/Број: 01/6-50-1-8-13/08
Sarajevo/Сарајево, 15.12.2008.godine

Z A P I S N I K

13. sjednice Komisije za ostvarivanje ravnopravnosti spolova, održane 12.12.2008. godine

Sjednici Komisije za ostvarivanje ravnopravnosti spolova (u daljnjem tekstu: Komisija), održanoj 12.12.2008., s početkom u 17 sati, prisustvovali su: Vinko Zorić, Rifat Dolić, Mirjana Malić, Remzija Kadrić i Savo Erić.

Odsustvovali su: Sead Jamakosmanović, te Halid Genjac, Jozo Križanović i Jovan Todorović, koji su najavili odsustvo.

Sjednici je prisustvovala Samra Filipović-Hadžiabdić, direktorica Agencije za ravnopravnost spolova BiH.

Sjednici je prisustvovao i sekretar Komisije Davorin Semenik.

Za sjednicu je usvojen sljedeći

DNEVNI RED

1. Usvajanje Zapisnika 12. sjednice Komisije;
2. Izvještaj o posjeti delegacije Komisije Hrvatskom saboru;
3. Usvajanje Izvještaja o radu Komisije u 2008. godini;
4. Usvajanje Plana rada Komisije za 2009. godinu;
5. Ostala pitanja.

Ad. 1. Usvajanje Zapisnika 12. sjednice Komisije

Zapisnik 12. sjednice Komisije usvojen je uz dvije ispravke koje se odnose na prisustvo Save Erića 12. sjednici i način putovanja delegacije u Republiku Hrvatsku.

Ad. 2. Izvještaj o posjeti delegacije Komisije Hrvatskom saboru

Članovi Komisije dobili su pisanu informaciju o posjeti Republici Hrvatskoj i susretima koji su tom prilikom održani. Sekretar Komisije upoznao je prisutne o tome da je, nakon povratka, kontaktirao s nadležnima u Ministarstvu za ljudska prava i izbjeglice BiH. Ovom ministarstvu upućen je dopis kojim se traži da se ova komisija informira o toku procedure za ratifikaciju Konvencije UN-a o pravima invalidnih lica, o čemu se razgovaralo prilikom susreta s članovima Odbora za ravnopravnost spolova Hrvatskog sabora.

Nakon kraće rasprave, Informacija je primljena k znanju.

Ad. 3. Usvajanje Izvještaja o radu Komisije u 2008.godini

Prijedlog izvještaja pripremio je sekretar Komisije o čemu je obavljena rasprava, pa je prijedlog dopunjen informacijom o učešću članova Komisije u radnoj grupi za izradu amandmana na Ustav BiH, kao i podacima o susretu s delegacijom Crne Gore, a izvršena je ispravka u tabelarnom prikazu prisustva sjednicama. Konstatirano je da je većina planiranih aktivnosti i izvršena. Zatraženo je od direktorice Agencije za ravnopravnost spolova BiH da pismeno izvijesti Komisiju o učešću njenih članova u radu dvije interresorne radne grupe za izradu ustavnih amandmana i Strategije za borbu protiv nasilja u porodici u BiH, kako bi im mogla biti isplaćena novčana naknada.

Nakon toga Izvještaj o radu Komisije u 2008.godini jednoglasno je usvojen.

Ad. 4. Usvajanje Plana rada Komisije za 2009.godinu

Prijedlog plana rada Komisije za 2009.godine dopunjen je planom obilaska kantonalnih i općinskih komisija za ravnopravnost spolova, kao i aktivnostima u oblasti međunarodne saradnje planiranjem posjeta gender komisijama parlamenata Češke Republike i Kraljevine Španije.

Direktorica Agencije za ravnopravnost spolova BiH upoznala je prisutne s planiranim aktivnostima Agencije u čijoj realizaciji bi mogla neposredno sarađivati s Komisijom. Zaključeno je da sekretar Komisije, u skladu s tim, planira i ostale aktivnosti.

Ad. 5. Ostala pitanja

O ovoj tački nije bilo rasprave.

Nakon što je realiziran dnevni red, sjednica je završena u 18 sati.

SEKRETAR KOMISIJE

Davorin Semenik

PREDSJEDAVAJUĆI KOMISIJE

Vinko Zorić